



XALQ DEPUTATLARI OQDARYO TUMANI KENGASHINING Q A R O R I

2025-yil 21-fevral

VII-7-20-7-92-K/25

Oqdaryo tumani

Oqdaryo tumanida 2024-yil davomida huquqbuzarliklarni oldini olish, jinoyatchilikka qarshi kurash, jamoat tartibini saqlash va huquqbuzarliklar profilaktikasi yuzasidan tuman IIB boshlig'i o'rinbosari, jamoat xavfsizligi xizmati boshlig'i A.Turayevning hisoboti to'g'risida

O'zbekiston Respublikasi Prezidentining 2017-yil 10-apreldagi "Ichki ishlar organlarining faoliyati samaradorligini tubdan oshirish, jamoat tartibini, fuqarolar huquqlari, erkinliklari va qonuniy manfaatlarini ishonchli himoya qilishni ta'minlashda ularning mas'uliyatini kuchaytirish chora-tadbirlari to'g'risida"gi PF-5005-sonli hamda 2021-yil 26-martdagi "Jamoat xavfsizligini ta'minlash va jinoyatchilikka qarshi kurashish sohasida ichki ishlar organlari faoliyatini sifat jihatidan yangi bosqichga ko'tarish chora-tadbirlari to'g'risida"gi PF-6196-sonli Farmonlari ijrosi yuzasidan tuman Ichki ishlar bo'limi boshlig'ining o'rinbosari jamoat xavfsizligi xizmati boshlig'ining Oqdaryo tumanida 2024-yil davomida huquqbuzarliklarni oldini olish, jinoyatchilikka qarshi kurash, jamoat tartibini saqlash va huquqbuzarliklar profilaktikasi yuzasidan hisobotini eshitib, O'zbekiston Respublikasining "Mahalliy davlat hokimiyati to'g'risida"gi Qonunining 24-moddasiga asosan Xalq deputatlari tuman Kengashining yettinchi chaqiriq, yettinchi sessiyasi

QAROR QILADI:

1. Oqdaryo tumanida 2024-yil davomida huquqbuzarliklarni oldini olish, jinoyatchilikka qarshi kurash, jamoat tartibini saqlash va huquqbuzarliklar profilaktikasi yuzasidan Oqdaryo tuman IIB boshlig'i o'rinbosari, jamoat xavfsizligi xizmati boshlig'i A.Turayevning hisoboti ma'lumot uchun qabul qilinsin.

2. Tuman ichki ishlar bo'limi (A.Valiyev hamda A.Turayev)ga:

tumanda huquqbuzarliklar va jinoyatlarning sodir etilishi sabablarini chuqur tahlil qilib, aniqlash va shu asosida ularga imkon berayotgan shart-sharoitlarni bartaraf etish yuzasidan zarur choralar ko'rish hamda joylarda qonuniylilikni mustahkamlash borasidagi ishlarni yanada kuchaytirish;

tezkor-qidiruv faoliyati, shaxslarni profilaktik hisobga olish, ular bilan ishlash borasida yo'l qo'yilgan jiddiy kamchiliklar bo'yicha profilaktika inspektorlarining hisobotini eshitish amaliyotini to'g'ri yo'lga qo'yish;

jinoyatlarni kelgusida takrorlanishining oldini olishga qaratilgan aniq chora-tadbirlar belgilash;

jinoyatga qarshi kurashish adolatini ta'minlash orqali jinoyat sodir etgan aybdor shaxslarni aniqlab, ularga nisbatan qonun ustuvorligi va jazo muqarrarlighi asosida qat'iy choralar ko'rish vazifalari topshirilsin.

3. Tuman Ichki ishlar bo'limi (A.Valiyev), O'zbekiston Respublikasi mahallalar uyushmasining Oqdaryo tumani bo'limi (B.Daminov) mahalla fuqarolar yig'inlari raislari bilan birgalikda:

huquqbuzarliklar profilaktikasi va jinoyatchilikka qarshi kurashish bo'yicha ko'rilayotgan chora-tadbirlar haqida fuqarolar yig'inlarida jadval asosida ichki ishlar bo'limi profilaktika inspektorlarining hisobotlarini eshitib borish;

ichki ishlar organida hisobda turgan, ayniqsa, ilgari sudlangan, oilada va turmushda muntazam ravishda huquqbuzarlik sodir etuvchi shaxslar bilan profilaktik ishlarni olib borish, ularning xulq-atvori va turmush tarzini fuqarolar yig'inlarida muhokama qilish;

oilaviy, qarindosh-urug', qo'ni-qo'shni o'rtasida avval ham huquqbuzarlik sodir etilgan yoki etilmaganini, ular o'rtasida oldin ham adovat yoki ziddiyat mavjud yoki mavjud emasligini o'rganib chiqish va munosabatlarni psixologik tahlil qilish;

ijtimoiy ahamiyati muhim bo'lgan, ayniqsa, ota-onalar farzand tarbiyasi va ta'limi borasidagi majburiyatini bajarmasligi natijasida voyaga yetmaganlar va yoshlar tomonidan huquqbuzarlik, jinoyatlar sodir etilishi sababini o'rganib, ularni bartaraf etish choralari ko'rish hamda ota-onalarga nisbatan qonuniy choralarni qo'llash bo'yicha zaruriy choralar ko'rish;

"ommaviy madaniyat" niqobi ostida mamlakatimizga kirib kelishi mumkin bo'lgan axloqiy buzuq va zo'ravonlik g'oyalarini tarqatuvchi xatarli tahdidlarga qarshi kurashish ishlarini yanada kuchaytirish vazifalari topshirilsin.

4. Tuman hokimi o'rinbosari, oila va xotin-qizlar bo'limi (Y.O'roqova), tuman Ichki ishlar bo'limi boshlig'i o'rinbosari (A.Turayev), Yoshlar ishlar agentligi tuman bo'limi (M.Musayev) bilan birgalikda:

jinoyatning tub sabablari va uni keltirib chiqargan barcha shart-sharoitlarni o'rganib, jinoyat qayta sodir etilmasligi uchun zarur chora-tadbirlarni amalga oshirsinlar, aybdor shaxslar aniqlanib, ularga nisbatan qonun ustuvorligi va jazo muqarrarlighi tamoyillari asosida qat'iy choralar ko'rilishi yuzasidan tushuntirish targ'ibot ishlarini olib borish;

sodir etilgan huquqbuzarlik va jinoyatchilikni tahlil qilib, huquqbuzarliklar va ularni sodir etishga moyil shaxslar hisobini yuritib borish, aholiga, ayniqsa, xotin-qizlar va yoshlarga psixologik yordam ko'rsatish;

farzand tarbiyasi bilan shug'ullanmaydigan ota-onalarni aniqlab, ular bilan tarbiyaviy psixo-profilaktik suhbatlarni tashkil etish;

muqaddam sudlangan shaxslarning turmush tarzini o'rganib, ular tomonidan oila a'zolariga tazyiq o'tkazish holatlari mavjudligiga aniqlik kiritib borish hamda kelgusida ular tomonidan qayta huquqbuzarlik sodir etilmasligi uchun jamoatchilik nazoratini amalga oshirish;

oilada milliy qadriyatlarimizga zid bo'lgan axloq-odob doirasida nojo'ya xatti-harakatlarga yo'l qo'yayotgan shaxslarni aniqlab, ularga nisbatan ta'sir choralari belgilash vazifalari topshirilsin.

5. Tuman hokimi o'rinbosari, oila va xotin-qizlar bo'limi (Y.O'roqova)ga:

xotin-qizlar tomonidan har bir sodir etilgan jinoyat bo'yicha mahalla fuqarolar yig'inlarining xotin-qizlar faollari hisobotlarini tinglab borish tizimini yo'lga qo'yish;

er va xotin o'rtasidagi mavjud muammolar, huquqbuzarliklarning kelib chiqish sabablari bo'yicha ular bilan yakka tartibda tarbiyaviy ahamiyatga molik suhbatlar o'tkazib borish;

o'z joniga qasd va suiqaqd qilish bilan bog'liq har bir holatga "favqulodda holat" deb qarab, tezkor choralar ko'rish;

ta'lim muassasalarida o'z joniga qasd qilishga moyil xulq-atvor paydo bo'lishiga yo'l qo'ymaslikka qaratilgan psixologik dasturlar ishlab chiqish vazifalari yuklatilsin.

6. Tuman kambag'allikni qisqartirish va bandlik bo'limi (D.Mamadiyarova) tegishli tashkilotlar bilan birgalikda:

joylarda "Mehnat yarmakalari"ni tashkil etsin va aholining, ayniqsa, ichki ishlar organlarida profilaktik hisobda turgan shaxslarning ishsiz qatlamini kasbi va mutaxassisligi bo'yicha ishga joylashtirish choralari ko'rish topshirilsin.

7. Tuman Ichki ishlar bo'limi boshlig'i o'rinbosari (A.Turayev)ning:

O'zbekiston Respublikasi Prezidentining 2025-yil 3-yanvardagi PQ-1-son qarori ijrosi yuzasidan tuzilgan tuman yo'l xaritasining 9-bandiga asosan Voyaga yetmaganlar va yoshlar o'rtasida jinoyatchilik va huquqbuzarliklarning oldini olish maqsadida tuman maktabgacha va maktab ta'limi bo'limiga qarashli ta'lim muassasalarida har haftaning payshanba kunlari bir soat ma'muriy huquqbuzarlik darslari tashkil etish;

Yoshlarning huquqiy savodxonligini oshirish, yangi qabul qilinayotgan huquqiy-me'yoriy hujjatlar bilan yaqindan tanishtirish, bilim va ko'nikmalarini yanada oshirish, ularni qonunga hurmat ruhida tarbiyalash maqsadida "Qonun va adolat – ustuvor, jinoyatga jazo – muqarrar" degan prinsip asosida huquqiy targ'ibot ishlarini amalga oshirish takliflari inobatga olinsin.

8. Tuman hokimi o'rinbosari (Ch.Ortiqova), tuman hokimligi tashkiliy nazorat guruhi rahbari (J.Xamraqulov), tuman Ichki ishlar bo'limi boshlig'i o'rinbosari (A.Turayev), tuman Adliya bo'limi (T.Abdurashidov), tuman maktabgacha va maktab ta'limi bo'limi (E.Jamilov) bilan birgalikda:

yuqoridagi takliflarga asosan kelishilgan holda chora-tadbirlar ishlab chiqish;

jamoatchilik asosida tadbirlarga, tuman tashkilotlarida faoliyat yuritayotgan yuristlarni jalb etish vazifasi yuklatilsin.

9.Mazkur qarorning ijrosini nazorat qilish Xalq deputatlari tuman Kengashining Korrupsiyaga qarshi kurashish va xavfsizlik bo'yicha doimiy komissiyasi (J.Sadullayev)ga, ijrosini ta'minlash tuman ichki ishlar bo'limi (A.Valiyev) zimmasiga yuklatilsin.

Sessiya raisi



ADILOVA DILDORA
ISRAYILOVNA